


三十一
五十二



名家詞鈔目錄

廬陵 聶先 晉人

纂定

長水 曾王孫 道扶

改蟲齋詞

華亭 高層雲 謾苑

畱客住 摸魚兒

齊天樂 瑣窻寒

百字令 瑤花

薄倖 臺城路

謁金門

夏初臨

山亭柳

邁被塘 一調

驀山溪

催雪

惜秋華

燕山亭

天香

水龍吟

漁家傲

淡黃柳

疎影

綺羅香

尉遲杯

南樓令

小重山

暗香

清平樂

夜行船

虞美人

青玉葉

尾犯

點絳脣

淒涼犯

鵲橋仙

好事近

過龍門

桂枝香 二調

眉嫵

洞仙歌

解連環

改蟲齋詞

華亭

高層雲

謾苑

畱客住

鷓鴣

嶺雲覆。徧楚江。蠻風爨雨。哀音斷續。相對頰啼殘晝。
扁舟旅泊。何處聽到灘。黑林昏人倦後。淒涼似此。便
聲聲行得。也能行否。還搔首。峽響空舸。記取牽船
候。和盡青猿。絕壁亂雲開繡。隔水正逢遊女。射翠歸
來。影湘筠倚袖。愁聞不了。更雙銜木葉。見南飛又。

摸魚兒

蕙

憶西風晚烟吹徹。愛看紺玉千頃。釵莖鈿葉沉雲細。
涼浸一奩秋影。牽露梗。傍鴈齒紅橋斷處。維雙艇。瓊
酥滿甌。也應笑顚蘇。冰盤鱸藿。卯椀試槐餅。出園
好池上。幾回醉醒。筠筐碧脆誰並。只今苦被浮名縈。
付與閒鷗管領。還自省。真負却思鱸小。巷開三徑。歸
期重訂。向綠葦斜汀。點烹玉糝。越女素尖冷。

齊天樂

蟬

枕屏曉。帶行雲夢。却早被伊催斷。苦調纔終。悽吟還
續。遞寫幾番幽怨。柳塘聽倦。忽竹院涼傳。數聲差緩。
曲奏迴風。蕭蕭落葉。玉階滿。愁聞最是旅客。對西
村幾樹。頽照欹岬。響咽尤悲。音長轉認。引起離情無
限。當年蜀棧。和嶺畔啼鶻。鄉心曾亂。一片秋容澹。雲
凝望遠。

瑣窗寒

倭奩

蛾黛花凝。犀膠貝閃。冷光疑迸。烟巒半幅。粉本宣和
猶剩。穩霜禽一枝香雪。分明細寫江南影。伴碧牕岑
寂。試勻珠靨。傍他妍靚。湧省阿蘇迴。恁巧樣紋螺
鷓青堪並。粘天浪舶。甚日輸來妝鏡。愛半簾斜月閒

吟。小立竹間常自等。拂香奩倒暈。描成淺顰。應轉勝

百字令

錫鬯武曾其年蒼水湘舞三農集鬚淵寓齋正月十五夜限韻

紫簫何處。倚春聲輕引半窓晴月。旅館清樽重話舊。漫憶故園風物。小檻移香。疎簾寫影。零亂千枝雪。六街燈火。纖塵不上羅襪。頻歲客思無聊。寒蕪斜照。愁共雲山濶。珍重曲闌攜手好。既醉那辭深罰。湘管吳箋重吟細把。水調翻新闕。花時仍訂。勝遊莫負雙屨。

瑤花

雨中詠白丁香同蒼崑瑁湖

新妝澹抹。婉約冰姿。似飛瓊清絕。輕烟絲雨。扶不起。緩驪翠鈿珠纈。含顰微睇。見鉛水熒熒雙頰。消幾番。蝶使蜂媒。慘淡鬢雲肌雪。朱闌一掬芳塵。悵洛浦。波花飛濺。羅襪依稀倩影。應減盡纖弱。宮腰裙褶。梨雲夢冷。怎禁得繡幃頻揭。想晚來無限風情。斜映半鈎新月。

薄倖

賦得流水桃花色

武陵漁艇。過幾許烟條露梗。試看取回塘添新漲。色與花光映。更曉風吹縹晴漪。鱗鱗碧浪移。舡影縱玉

膩難濡。粉香空射。祇惜鉛華清冷。好待小雨初收。
越印得啼妝妍靚。斜陽裏多少。沉沉春思。生憎輕薄。
嬌心性。把閒情並逐。行雲流轉。任雙燕欲疑還。省平
潮漠漠。飛去飛來薄暝。

臺城路

祖園

晚風溼綠原頭草。一抹平蕪烟冷。柳市才過。華源忽
接。駐馬小橋芳徑。方塘閒靚。向曲榭披襟。轉添幽興。
雲水相涵。野禽掠處動花影。陶尊須共引滿。况春
光有幾。算無多剩。良會難期。勝遊誰續。常自費人深
省。任教酪酊。但歲歲登臨。依然漂梗。今夜燈前。又那
堪酒醒。

謁金門 桐軒花下

揩愁目。桐葉乍抽新綠。白氈青絲尋杜曲。勝遊今再
續。葉底粉香蝶撲。枝上軟紅鶯蹴。清陰妮人簾半
軸。微聞花氣馥。

夏初臨

送陳三農歸里

竹嶼連吟。蘭畦駐屐。客愁揔未全醒。莎軟塵黃。那堪
又向離亭。殘陽影帶迴汀。見微茫野水初生。低橋濃

樹圓沙小驛。此度重經。分携最苦。烟暝花飛。杯闌人遠。嬾殺啼鶯。東風無賴。單衫換處。寒輕山月斜升。桂林梢一片春冰。笑浮名。輪伊歸早。我尚漂萍。

山亭柳

讀周廣庵太史南浦詞

非霧非煙。鏤管拂雲。賤著意處。最堪憐。自解移宮換羽。歌珠字字輕圓。爲道當家伎倆。忒煞精研。大晟樂府名尤擅。人爭羨。待制當年。情繾綣。語纏綿。翻調須教檀口。倚聲好倩冰絃。論萬種風情。誰似有個屯田。

邁陂塘

題毛會侯垂竿圖

訝娥江綠揉千頃。吳綃數尺。誰譜烟條。故踈斜汀外。半拂燕梢柔櫓。風欲度。挂三扇。低蓬寫影。眠鷗路。晚來佳處。正野漲平橋。輕篔小笠。漠漠一谿雨。家長柳。我亦烟波舊侶。投竿當日。情緒酒徒。盡覓封侯矣。漫向軟塵羈旅。商去住。越春水。桃花倚牒。當沙渚。逢君何許。但茶竈香籠。釣筒詩卷。相對鏡中語。

前調

題方渭仁健松齋

深秋空雲綃黛影。冥冥簾卷初曙。苔衣碧甃。濃陰轉。

枝上雙眠雪羽。釵幾股。露一抹。烟鬟遠岫。開亭午。曲
闌延竚。正翠蓋深籠。花幢淺壑。謾謾晚來雨。移栽
後。書拂古香。曾著。劫灰猶記前度。踈柯秀鬣。渾無恙。
誰捉當年談麈。歸舊圃。但塵點。琴牀小閣。迷荒霧。華
清才賦對。禁柳吹綿。埤梧飄粉。愁隔富春路。

驀山溪 登莫莫樓

軟紅香土。十里臙脂膩。幾陣熟梅風。舞槐龍一庭空。
翠。智燈含影。雲壑小樓低。山娥媚。花醲粹。絮淡香毵
碎。芳叢蝶暮。差喜鶯猶脆。碧簟麥涼生。捲寒烟粉
飄輕穗。棠梨開後。春去已多時。人憔悴。心如醉。望遠
愁空寄。

催雪 珍珠蘭

露晚移姿。風簾亞翠。郢曲譜來應別。倩蛾綠紋紗。輕
籠冶葉。誰染淺檀魚子。向碧縷烟裙。黏珠纈。尋香倦
也。素心含處。任迷秋蝶。幽絕。妝乍怯。正蟬翼半欹。
載來勾貼。更霧濕芳叢。擬趁涼月。試問湘娥。認否。縱
倚。遍江花。何曾折。待貯得。帳底清芬。憎被小鬟偷揭。

惜秋華 牽牛花

碧篠芳畦引輕絲纏裊亂髮捎露影淡絳河微微嫩
涼初曙翠綃荏苒隨風還倩把纓君畱住開處有踈
蛩敗葉殘蟬荒樹黛色儘堪妬愛娟娟冷艷映冰
奩眉嫵歛倦花鈿悽絕柳陰當午停梭閒對幽叢任
銷凝隔紗無語愁暮洗秋容最宜織雨

燕山亭

七月十五夜次友武曾錫鬯融谷單
九過寓亭看竹同賦

淨洗涼陰看第一番秋月蟾光初滿幽徑客來未了
閒情剩得歲華才半瘦竹捎風漾虛影簾旌低卷談
讌恰潤逼晴畦韭花堪剪回憶小梁鷗池引踈翠

娟娟繡苔侵硯還拚今夕當是鄉園須添冷香盈琰
明日重尋應不少軟塵吹面遊倦容易對舊時酒伴

天香 龍涎香

濺沫珠輕浮膏粉薄迴波試挹凝乳玉碾塵吹花磁
冰滑纖手任教研取雀頭勻和銀葉小乍生烟縷最
是未馴還裊微風又穿簾去梅陰鑑屏欲暮斂雙
蛾湯添情緒疎曉春蘿愁裏暗銷殘炷試問清宵岑
寂驚心字絲絲斷魂處數盡寒更重聞細雨

木龍吟

白蓮

涼風纔度銀塘。霓裳並舞驚鴻影。翠翹低擁。檀心微露。冰姿越瑩。醉雨凝香。歛烟弄粉。澹妝妍靚。稱玉容珠。壓移船。相逐羅袖薄。霧鬢冷。試著冰蟾斜映。卷生綃乍臨。霜鏡瓊簫甚處。鳳膺頻擲。曲闌重凭。幾陣輕颺。飄殘荇帶。可人風景。更雙雙白鷺飛來。花下轉添清取。

漁家傲

題画

樹杪溶溶雲縷細。半奩柔綠。縈沙尾。昏影歛風殘葉底。潮平矣。數莖秋荻。疏烟倚。擬向吳根尋剩水。燕梢船小。輕於紙。且着征帆。圖画裏。歸得未。旅愁晴數。今番最。

淡黃柳

題画

層湖遠碧。倒浸蒼巖溼。小閣圍山殘照入。一片疎紅冷翠。總是江南好秋色。弄殘墨。閒窓正岑寂。幾回首。認烟驛。想荒池月淡。沙鷗拍菰影。蘋香舊村何處。今夜夢輕難覓。

疎影

送牧仲視權虔州

蠻烟瘴雨。半炎州景物。感人情緒。桂嶺秋風。梅嶺春

風吹做暖寒時序。省郎標格清羸甚。須點檢鄭綿吳
紵。望神京頻上孤臺。心共朔雲低度。歲晏那堪送
遠。見輕帘卷雪。短亭人去。柳帶斜陽影澹平沙。數點
暝鴉飛處。嚴關戍罷。烟檣繞任泊。遍鶴汀。鳧渚倚青
衫。水調新翻。彈作鳳槽鸞語。

綺羅香

沈融谷續娶新人善琴書

織句能工好音偏早。依然林下風致。宕逸雲卿清潤
丰標誰似。裁蜀素試鬪新篇。鏤湘管雙搖鏡底。撥鐙
書弟子先傳。簪家小陣衛家字。晚簾微月低照。蝶

錦半拖琴髻。玉纖柔膩。瓊擘泠泠。想楚明光堪擬。聽
幾點鶯語春山。又數聲雁飛寒水。掩犀帷猶辨清商。
任香殘翠被。

尉遲杯

題蕃錦詞次葆粉韻

詩人句。被詞人按入紅牙去。不須減字偷聲。自合天
然機杼。鼠鬚纔舉。便灑落魚箋烟一縷。愛搜殘插架
筠籤。腹笥任教採取。閒情況兼離緒。還吟向犀帷
燭影淡處。話擅碧溪襟。題漢上。盡入楚蘭吳紵。笑片
玉尊前誰數。傍月底雙鸞修蕭譜。喚越舸並載兜娘。

一○曲○曉○鶯○春○序○

南樓令

冶葉漸辭柯。瀟湘應始波。倦遊人無奈秋何。爲憶楚
山○曾○放○屐○。回○首○處○。白○雲○多○。盤○石○墜○迴○坡○。茅○堂○着○澗○
呵○引○遙○峰○斜○。點○青○螺○。霧○掩○竹○扉○春○更○寂○。新○月○上○。挂○藤○
蘿○。

小重山

雲○淨○天○垂○素○練○空○。遠○山○橫○抹○處○。黛○痕○重○。疎○林○酣○葉○露○。
斜○。楓○秋○容○澹○。偏○愛○一○株○紅○。結○屋○瀼○西○東○。此○時○誰○共○

語○有○吳○儂○。隔○溪○魚○艇○鏡○奩○中○。沙○鷗○起○。波○面○晚○來○風○。

暗香

題盛鶴江旗亭百截句

閑○愁○易○感○。映○石○林○頽○照○。風○巾○微○墊○。鏤○管○醉○哦○。短○袂○支○
離○酒○痕○染○。柳○織○涼○烟○。踈○地○露○墻○角○。青○旗○斜○閃○。憑○雁○紙○
香○。瀟○麋○丸○語○秀○韻○偏○險○。花○暗○。夜○堂○掩○。見○絳○蠟○乍○消○。
翠○蛾○方○歛○。玉○船○滿○泛○。不○記○宮○壺○漏○頻○點○。圓○月○依○然○寫○
鏡○。奈○人○隔○碧○巖○蒼○蒨○。知○甚○日○歸○去○也○。再○逢○賀○監○。

清平樂

秀○屏○千○疊○。瘦○影○粘○寒○鏡○。曲○磴○細○泉○看○似○髮○。冷○浸○一○溪○

雲葉。隴頭片片雲垂。越綿初換單衣。桑柘夕陽紅。
淡暝烟斜帶山屏。

夜行船

天際浮嵐眉淺疊。盪柔藍冷光低接。落日扁舟穿波
輕槳。任把殘霞頻撥。擬向荒亭移步履。正機頭水
清沙活。暝色纒添秋烟轉。澹愛聽一林疎葉。

虞美人

晚風過雨妝初靚。頰樹欹苔逕。更無人語到溪頭。惟
見落花鋪處一雙鷗。半灣淨綠沉雲細。只少扁舟。

繫山家日日小長年。但覺五釵松老漸無烟。

青玉案

飛泉斜界蒼崖注。又散作瀟瀟雨。危石籠烟懸瘦樹。
晚來還見亂藤荒蘚。一片秋山暮。水邊層閣迴廊
互。任長日凭欄處。試把菰村漁笛譜。颺風疎荻波紋
微動。屬玉雙飛去。

尾犯

和李武曾樂府後補題

冷紅飛徧剪疎簾。早識去年雙燕。迴坡絲雨融泥潤。
訝犀尖先見。稀生自好。任留待成林便。鬪春烟不到。

聞庭暗添香徑都滿。曾話竹間僧院。雕菰小設向
晚。正敲殘滑玉。微慘吳鹽脆。芬流椀。麥秀寒時蒼苞
卸。粉乍拋。還卷。想荒圃半。驪新梢。橫斜穿過窓眼。

點絳脣

立夏

綠遍芳郊。小窓昨夜春歸去。落花深處。夢斷聞鶯語。
紫筍朱櫻。不分江南任。愁千縷。倚欄凝佇。怕見風
前絮。

淒涼犯

不寐

秋聲都是窓前葉。何曾有夢堪記。銷魂旅客。重驚灾
沴。恁般情味。渾如倦燕。又失却年時舊壘。算平生斷
梗孤蓬。漂泊這番最。街鼓初沉後。斷甃頽垣。幾經
心碎。蟲吟露冷。聽殷殷枕屏欲墜。帳掩燈昏。更那禁
隔牆愁痺。看深夜明河影側。曙還未。

鵲橋仙

柔藍淺抹。澹鶯重渲。拂拭宣和名紙。并刀不用剪吳
淞。看咫尺蒼茫遠勢。閑亭竹杪。扁舟柳外。暝色半
遮詩思。小村何處。問菰蘆。正夢斷秋蘋香起。

好事近

題畫與家澹人

疎樹帶村烟。絕壁過雲凝翠。竹外小亭堪倚。正烟濃
風細。近知簪筆塞垣東。名勝見應未。却倩好遊康
樂。寫江南。秋意。

過龍門

黛抹遠峯輕。樹點鴉青。春潮泯泯晚風迎。沙嘴鷺飛
魚蕩動。影顛迴汀。拚擬拄紅藤。一片丹屏。衝烟虛
艇擊空明。仄磴繡苔斜照裏。有箇茅亭。

桂枝香

集孫茂叔齋紫藤花下

春歸何處。遣不了。閑情。幾番梅雨。落盡梨花。燕子歸

來。無語。芳樹綠陰深幾許。柳烟濃滿天飛絮。鬢縷頻
添。腰圍漸減。暗傷離緒。消長日。還宜綠醕。况梓澤
花明。竹溪雲護。步障臨風。一曲紫簫催暮。虬枝柔蔓
霏香霧。映紅螺霞綃千縷。繡簾風細。瓊疏暈冷。落英
無數。

前調

蟹

霜楓換碧。正斜日橫塘。晚來潮急。水面無風。影顛筠
簾新識。乍看曾引雙螯。挂颺輕烟。數莖秋荻。分明似
畫。問誰堪擬。是黃荃筆。更向夜前灘霧黑。閃點點

疎燈微露簾隙。郭索寒沙。錯認玉蟾光逼。朶頤莫爲
監州誤。最難拚繡匡。鎔珀。蘋村月冷。而今只有夢邊
相憶。

眉嫵

酬李畊客

憶城南旅話。曲檻移春。冰萼透疎艷。燈暝香溫處。紅
螺小。衍波並點柔翰。碧筠半卷。聽鼻聲。深夜重按。擁
吟鼻。竟踏霜痕去。記離席猶煖。見說石城芸館。對
藕莊同調。簫譜修徧。素影湖光靜。繫柳根。莫愁歌纜
微。緩北垞夢遠。想霧鬟慵倚芳院。便擬學夫人。寫出

月鉤恨淺。

洞仙歌

酬龔蘅圃

西窓燭灺。自分明記得。共隱書囊話秋夕。指秣陵何
處幾度相思。頻望遠。冉冉絮雲輕碧。此時桃葉渡。
水約仍嚴。未許清歌傍江石。子夜動閑情。瘦足春鋤
步虛影。偷拳一隻。恐驗取勾砂臂痕消。早褪了蜂黃。
舊塗宮額。

解連環

篆拈銀葉。悵芳魂不返。絳帷空揭。經幾載霜冷離宮。

早翠繞園陵。漆燈雙設。一曲哀蟬。比薤露。淒音更切。
縱粉黛三千。迴眸微睇。怎禁愁絕。斜陽繡楹遞接。
儘華貂管領。錦圍星列。排小隊。踏遍平沙。勝書記從
軍。短衣褰鐵。塵麴縈絲。惜過了禁烟時節。最銷凝。幕
卷青油。昨宵圓月。

曹秋岳涪曰。晤園次於蜀岡之下。因言改蟲齋詞。
逼似竹垞葆粉一路。閱之乃上凌夢窓白石。有
非竹垞諸公可以盡其長也。

周鷹垂綸曰。謾園詞力闢蠶叢。殊有五丁鑿道之
勇。

高檐遊簡曰。家謾苑詞。思寧刻而毋腹。句寧琢而
毋平。立意清真。字句隱秀。真所謂曼曼乎陳言
之務去者。

曹升六貞吉曰。秀冶之氣。溢于眉宇。又曰。輕描淡

寫宛轉傳神真繪月繪風之手。

名家詞鈔目錄

廬陵 聶先 晉人

長水 曾王孫 道扶

纂定

珂雪詞

安丘 曹貞吉 實庵

采桑子 二調 玉連環

浪淘沙 二調 木蘭花

夜行船 蝶戀花

漁家傲 祝英臺近

爪茉莉

簇水

喝馬一枝花

惜紅衣

滿江紅 四調

天香 二調

掃花遊

水調歌頭

水晶簾

玉簫涼

暗香

畱客任

尾犯

燕山亭

雙雙燕

月華清

催雪

玲瓏四犯

瑣窗寒 三調

百字令 六調

解語花 三調

珍珠簾

桂枝香

水龍吟

宴清都

瑞鶴仙

花犯

臺城路 三調

拜星月慢

霓裳中序第一

綺羅香

秋霽

南浦

花發沁園春

望遠行

解連環

一寸金

風流子 四調

疎影

入寶粧

蘇武慢

沁園春

八歸

賀新涼 二調

摸魚兒 五調

笛家 二調

畫屏秋色

蘭陵王

大酺

玉女搖仙佩 二調

珂雪詞

安丘 曹貞吉 實庵

采桑子 春閨

東風小立簾櫳靜。蛺蝶飛飛。蛺蝶飛飛。撲面楊花燕
子歸。困人天氣無些事。金鴨香微。金鴨香微。睡損
芙蓉一半兒。

前調 秋閨

梧桐小院黃昏後。茉莉風涼。茉莉風涼。一縷香生髮
鬢粧。窺人斜月渾無賴。又上西牕。又上西牕。金井

烏啼夜未央

玉連環 水仙

盈盈似隔紅塵路。陳王休賦。黃昏不是乍聞香。月底更無尋處。靜掩繡簾朱戶。更聽微雨。青溪溪畔女郎祠。鬢見魂來去。

浪淘沙 不寐口占

雨氣沒高林。庭院深深。流螢如豆草如針。又是嫩涼時候也。只欠疎砧。舊夢杳難尋。雲水沉沉。海南花發土墻陰。斜月窺人人未起。冷浸孤衾。

前調 丁巳清明

煙草似愁生。綠滿長汀。隔墻一一賣花聲。十日雨絲天作劇。渲染清明。林外乍啼鶯。樓外峰青。東風拂面酒微醒。欹帽垂鞭何處去。淅淅寒輕。

木蘭花 春晚

薜蘿一剪城南路。弱絮隨風亂如雨。垂鞭常到日斜時。送客每逢腸斷處。悄悄門巷春將暮。樹底鶯紅愁不語。畫梁燕子睡方濃。落盡香泥却飛去。

夜行船 本意

十幅蒲帆風力勁。有魚牀夜燈相映。兩岸衰蘆一條。
寒碧波影月痕難定。柔櫓無聲人語靜。怕沙鷗暫
時驚醒。篷背新霜。山邊曉市。楓葉亂遮。冬筍。

蝶戀花

夏夜酒醒口占

解識濁醪多妙理。八尺琉璃引入甜鄉裏。酒重燈昏
慵不起。夢迴已是三千里。殘月幾檣斜界緜。天色
空青銀漢光垂地。苔澁流螢飛且止。穿簾好趁荷風
細。

漁家傲

讀漢史

縹緲雲中赤彘子。求仙遠隔蓬萊水。巨棗安期曾餉
未。真奇事。馬肝解令文成死。天下神仙皆妄耳。茂
陵石馬秋風裏。金椀玉魚紛出市。渾無味。如鉛早下
銅人淚。

祝英臺近

賦得戲脫紅裙裏鴨兒

浦風回村路遠。畫檝弄還倦。閒咬浮萍。乳鴨兩三點。
任他次第呼名。竹弓休射。怕驚起睡鴛波面。綉裙
茜。忽地蘸水空明。花影碎。凌亂猶帶殘霞。混入也難
辨。笑携女伴歸來。滿身荷露。渾疑是巫山行徧。

瓜茉莉 本意和蚊門用宗梅岑韵

玉蕊離離。只飛瓊可比。添多少。晚牕清氣。風前小立。
微嗅處。詭人嬌意。黃昏後。雨過新涼。金蟲簪兒串起。
新粧髮鬢。紗幘旁。鴉鬟底。窺斜月。花光流墜。餘香
幽約。收來枕畔。合子待明朝。淡抹遠山相對。碧天澄
澄似水。

簇水 玉蝶梅

雲母堆成。并刀剪破。滕王譜。幾雙粉翅。化玉蕊瓏鬆。
千樹行。遍瑤臺十二。還向孤峰住。怕雪擁斷橋來路。

吟思苦。便一夜。牕前忽到。在屋角昏黃處。濃香作
陣。更莫引蜂兒舞。悵悵曉風吹亂。好夢參差去。欄杆
曲。倩淡烟低護。

喝馬一枝花 送沈茶星之來賓任

絕遠賓江路。亂水輕舟頻渡。瀟湘行欲盡。瘴雲苦。千
樹桄榔。月黑鷓啼處。到日清秋好。蟹戶鮫人滿。城看
笑舞。椰子傾甘露。照眼紅蕉輕吐。推棹小。拄笏訟
庭暮。龍目香中早。暗送年華去。吟情應不減。問寫就
蠻牋。重寄昭王臺否。

惜紅衣 詠荷花紫草

影借攏穠根連阡陌都無人惜翠葢紅衣佳名倩誰
錫盈盈帶露剗襪過茜裙畱蹟春碧行盡斷蕪怕王
孫岑寂斜陽弄赤山抹烟光丁香也無色幾番風
信曾否記開日莫是雲英潛化滿地亂瓊狼籍惹牧
童驚問蜀錦甚時鋪得

滿江紅

題吳遠度竹村情話圖

滿目蒼然似嶰谷琅玕千尺想落筆公孫舞劍張顛
濡墨瀟灑青天鸞鳳下動搖雷雨蛟龍墨掩柴門清

話爾何人情金石草閣外江流積小艇上孤蓬窄
喜青樽可共閑愁如滌風起牕前聞解籜月明林下
堪容展憶當年幽事幾人同山陽笛

前調 題阮亭寫竹

何物琅玕偏愛傍子猷書屋微雨後月痕低照亭亭
新沐洛女凌波鳴雜珮湘人鼓瑟敲寒玉早風雷一
夜起龍孫森然綠何處是秦川曲休更覓篔簹谷
只閒庭半畝差堪醫俗振籜未隨秋寂寞窺簾似共
人幽獨待他年玉版好同叅寧爲腹

前調

和錫鬯吳大帝廟下作

遺廟江東。舊日是紫髯天下。英魂在靈風。夢雨捲旗
飄瓦。師子雄才原足惜。孝廉斌媚還能霸。笑周郎帷
幄。慮何深。忘中夏。羞銅雀。東風借。紛搖櫓。吳蒙詐。
彼孫劉之睦。姻盟其假。自昔江山阿閼國。於今父老
新豐社。聽石頭戰鼓。似寒潮。空城打。

前調

金臺懷古

落照蒼然。空掩映荒臺數尺。憶當日君臣之際。悲哉
昌國。七十二城如解籜。功成翻削英雄色。讀先生一

紙報燕書。爲沾臆。

碣石畔。風蕭瑟。卽墨下。牛騰擲。

笑安平奇計。兒童能識。騎劫庸才何足道。可憐血戰
凝深碧。問千金馬骨。倩誰埋。邯鄲陌。

天香

龍涎香

孤嶼荒寒。斷潮嗚咽。抱珠神物濃睡。蜃霧成樓。綃宮
噴雪。點點鮫人清淚。紅薇露溼。早釀就都梁佳致。巨
舶長風破浪。似携海嶠鱗尾。春閨夜闌烟細。鬱空
青水。天霞氣。漫惹雨絲霑灑。金猊聲碎。鳳脰一枝淡
炷。偎翠袖餘寒戀。纖指莫放悠颺。繡簾匝地。

名家詩金
前調 詠綠牡丹爲牧仲作

國○色○凝○香○露○華○垂○檻○苔○痕○欲○上○階○砌○不○就○輕○黃○還○成○
嫩○碧○接○葉○交○柯○無○二○石○家○金○谷○供○紗○舞○珠○濃○睡○渲○
染○春○光○好○處○掩○映○一○天○空○翠○魚○子○暮○雲○微○起○帶○蕉○
○應○幾○分○涼○意○暗○想○誰○雀○黛○遠○峰○如○此○倒○掛○嶺○南○么○
鳳○莫○藏○影○花○間○覓○花○蕊○芳○草○成○裊○碧○旗○碾○試○

掃花遊

春雪用宋人韵

元○宵○過○也○看○春○色○靡○蕪○澹○烟○平○楚○濕○雲○萬○縷○又○輕○陰○
作○暈○蜂○兒○亂○舞○一○夜○梅○花○暗○落○西○牕○似○雨○飄○搖○去○試○

問○逐○風○歸○到○何○處○燈○事○纔○幾○許○記○流○水○鈿○車○畫○橋○
爭○路○蘭○房○列○俎○歎○薜○華○易○擲○髻○絲○堆○素○擁○斷○關○山○知○
有○離○人○獨○苦○漫○凭○竚○聽○寒○城○數○聲○譙○鼓○

水調歌頭

大醉放言

左○手○把○歡○伯○右○手○擘○雙○螯○淋○漓○酒○濃○衫○重○一○任○髮○蕭○
蕭○我○自○狂○歌○潦○倒○醉○看○長○安○市○上○若○個○插○金○貂○鄧○禹○
莫○相○笑○阮○藉○正○逍○遙○列○蛾○眉○調○錦○瑟○響○雲○璈○君○侯○
應○自○貴○耳○吾○欲○等○鷓○鴒○腐○鼠○纔○堪○一○飽○仰○視○鶴○雛○日○
嚇○意○氣○二○蟲○驕○安○往○非○貧○賤○三○徑○問○蓬○蒿○

水晶簾

賦得無端嫁得金龜婿辜負香衾待
早朝

夢細幽香靚甚長樂鐘聲敲醒倦眼迷離訝寶炬星
輝照人難定正好睡時何處去想蓮漏迢迢尙永五
更天最是霜寒鎮教寂靜徘徊掩清鏡憶紅閨淡
夜鄰鷄曾聽便惱他呶哩未愁伶俜不似而今慵早
起怕瑟瑟篝殘被冷又爭如簾幙長垂小牕日影

玉簾涼

七夕有感和其年

十載長安記如此良宵團扇拋殘龍梭初罷織赴碧
落幽歡幾多鈿合蟾子陳瓜果乞巧樓前驚夢醒但
絳河千尺雲氣漫漫無端嫩苔繡瓦斜月窺牕粧
做秋意闌珊去年當此際正同倚危欄定識涼生玉
簾盼鵲駕不到人間天似水擲淚珠荷露爭圓

暗香

綠萼梅

墻陰淡白算雪晴未久換成春色一剪薜蘿移上枝
頭弄輕碧照水空明數朶認樹老雨痕交蝕大好是
洛浦相逢尋翠羽消息橋側聞夜笛笑寂寂玉鱗
月中難覓九疑舊客又向蟠螭露仙蹟轉眼青青似
豆還記取前身蕭瑟搖落處苔影薄依稀見得萼綠
華日

余九崑
仙人也

留客任 鷓鴣

瘴雲苦。偏五溪沙明水碧。聲聲不斷。只勸行人休去。
行人。今古如織。正復何事。關卿頻寄語。空祠廢驛。便
征衫濕盡。馬蹄難駐。風更雨。一髮中原。杳無望處。
萬里炎荒。遮莫摧殘毛羽。記否。越王春殿。宮女如花。
祗今唯剩。汝子規聲續。想江深月黑。低頭臣甫。

尾犯 筍

小牕雨霽。傍疎籬一帶。箠聲盈耳。繩牀乍破。幽人夢
驗。苔錢穿碎。墻陰屋角。鬱千尺。凌雲勢。笑洋州太守。
清貧。却饒玉版風致。曾過荻洲。江市銀鱗撥刺出。
水向柁樓晨飯。松濕烟青。燒來偏脆。谷口如蓬。宮中
似束。故人情味。最憐是。憔悴龍孫。琅玕銷盡。生翠。

燕山亭 九日排悶

北鴈橫斜。似水晴空。無限蕭蕭意。深巷閉門。嬾去登
高。那問幾人曾醉。紅葉青山。正渲染蒼涼。天氣何事。
只辜負秋光。淡然如此。記得去歲城南。傍野逕疎。
離亂穿濃翠。女兒景物。羈客心情。添得一番悲喜。便

上層樓望不到故園千里千里有多少荒烟敗壘。

雙雙燕

詠鏡中美人影和沈鳳于

一泓秋水誰移向深閨偷近蛾綠空明不定綽約伴
人幽獨臨就崔徽別幅又淺笑輕顰相矚何人解識
傾城自賞容輝金屋掠削雲鬟粧束問就裏芳心
可同千曲離魂初覺嬌暈枕痕紅足小閣朝來新沐
警收却巫峰六六怕是清冷圓冰一擲黃金難贖

月華清

詠山鷓鴣爲阮亭作

織翠爲裳疑丹作距飛來何處烟暝金索珊珊落下

碧梧銀井憶蜀國待詔圖中共棘雀山花相映難定
試洗却濃粧雪衣嫌影挂向玉堂深處莫百轉

轉惱人幽靚夢結梨雲怕是數聲驚醒若覓句負手
巡檐更攤書茶清香冷風靜好低徊一曲伴他寒磬

催雪

珍珠蘭

嬈嬈牽風溥溥帶露窈窕最宜淡院恰聞海移來龍
宮幾串金谷墮樓姝麗伴杜若江籬分嬌面鮫人淚
滴紫莖頰甲都教開遍開遍含笑盼任徑寸蚌胎
讓他香蓓美瑟瑟輕圓涼颼吹顫莫向池塘顧影怕

瀉入紅蕖尋難見。正髮髻粧晚珠娘頭上。一枝微綻。

玲瓏四犯 送杞園遊西湖

三月吳山記梅子黃時幾多烟雨載酒西冷千頃嫩
荷澄暑沉醉失却湖光似夢裏斷雲飛絮歎軟塵十
載遮畱翻送故人遊去一枝柔櫓穿花路淡空明
箇儂眉嫵檀藥金碧天然麗都在晚霞紅處試問堤
畔垂楊尙否青青如故遇禪燈老衲還爲我殷勤語

瑣聽寒 倭奩

巨舶巍峩寒潮寂寞颶風吹暝鸞膠鬼斧製自海山

人境鬱金沙屑來粒粒明霞猶帶歐羅勝想龍涎潛
貯冰綃偷捲迷離交映光靚伴清鏡試摩挲小簇
玉纖畱證宮鴉一色拖逗麗華雲影憶當年連弩射
魚浩蕩烟波歸未肯更誰携彩扇昆刀泛蓬壺月冷

前調 卽事

銀鴨香銷湘篝獸冷夜長生倦寒梅未放勒住春痕
一線聽驚沙飛鳴陣陣颯然似入關山怨想參旂半
落明河斜挂霜風如剪思遠情何限縱文鴛交扣
繡衾爭戀迢迢玉漏海水注來難滿還愁他旅夢乍

屈曲銅鋪門靜掩，更誰團雪作猗兒。映小牕人面。

前調

為梁大司農悼亡

苔濕春蕪，蛛縈繡幕，悄無人影。玉釵斷後，曲曲畫闌
誰凭，怕紅絲繫來雙燕，呢喃還向珠簾等。縱寶衣施
盡，縷金裙在，淚花猶剩。 厮映，生悲哽。記皂笄剪成
鸞膠未冷。彩雲一片，又苦斜風吹暝。步瑤臺姊妹肩
隨。茫茫那知長夜永。問何時環珮珊珊，飛下蓬萊頂。
海門一點，駕素車白馬，怒潮來去。回首蘇臺金虎氣。

百字令

咏史

斷送幾場歌舞，鄢郢家門，荆蠻帶礪。兩地應難補英
魂，猶在空餘血淚凝注。五千甲楯行成，十年生聚。
軋軋勾章艣，吳越興亡關底事，都作寒江烟霧。入楚
旌旗，盟齊歲月，寂寞渾無據。蘆中人，杳區區恩怨，何
苦。

前調

田光老矣，笑燕丹賓客，都無人物。馬角烏頭千載恨，
七首匣中如雪。落日蒼涼，羽聲慷慨，壯士衝冠髮。咄
哉孺子，武陽色怒而白。 試問擊筑漸離，此時安在。

何不同車發負劔。祖龍驚掣袖。六尺屏風堪越。貫日
長虹。繞身銅柱。天意畱秦劫。蕭蕭易水。至今猶爲嗚
咽。

前調

南山歸晚。遭相訶醉尉。灞亭秋暮。故李將軍猿臂在。
射石猶能飲羽。虎鼠行藏。烟雲變態。若輩爭知否。霜
寒草短。且尋田舍歸去。回首百戰功名。北平上郡。
歷歷風沙苦。屈指封侯諸校尉。意氣寧堪儔伍。白髮
宮娃。青衫羈客。老泪同今古。掀髯一笑。塵墟野馬看

取

前調

出師二表。與殷盤周誥。同銘金石。臣本不求聞達者。
爲許先君破賊。瘴雨蠻江。秋風渭水。上將揮神筆。落
星如斗。熒熒火井將熄。今日丞相祠堂。黃鸝碧草。
俯仰悲陳迹。八陣圖邊波浪湧。似恨譙周鬻國。一片
降旛。千尋鐵鎖。鼎足三分失。先生已矣。何能親見。啣
璧。

前調

天龍寺高歡避暑宮遺址和錫鬯

蒼苔古瓦。是人天法界。雪山深處。燕麥兔葵荒草地。
人道高王曾住。水殿風涼。瑤臺露白。院靜渾無暑。流
螢閃閃。宮牆飛入無數。遙想渭水邛山。東西蠻觸。
五技窮鼯鼠。勅勒老公詞慷慨。早見英雄黃土。馬稍
功名。人龍意氣。總逐西風去。繁華銷歇。統然朝暮。鐘
鼓。

前調

庚申閏中秋和其年

月如無恨。便清輝萬古。長圓難缺。昔我來思。渾不記。
瓜菓中庭重設。身世斜陽。悲歡逝水。髣有星星髮。驚

聞人語。今年兩度佳節。却憶去歲中秋。輕雲薄霧。
黯黯芙蓉闕。造物多情。還補得。潑眼明蟾。奇絕再舞
霓裳。平分桂影。疑對千峰雪。重陽遲了。幾行白鴈能
說。

解語花

咏水仙同家弟作

鑿冰作面。剪雪爲衣。溪畔盈盈。女幽懷誰許。相逢處。
翠袖低垂。不語淡黃眉。嬾聽子夜歌。殘白紵。更難兼
並蒂。連枝姊妹。還同侶。因念雲迷洛浦。自陳王去
後。離別酸楚。明珠翠羽。相逢誤。脉脉此情塵土。花魂

無○主○抵○多○少○小○牕○微○雨○願○年○年○月○白○風○清○仗○東○君○畱○
取○

前調 和人咏驪山溫泉

蜃○蒸○作○霧○地○湧○成○珠○一○水○溶○溶○貯○炎○涼○誰○主○大○千○界○
只○有○清○流○可○語○乾○坤○奧○府○是○天○地○恩○波○凝○注○閱○從○來○
蕭○索○繁○華○多○少○傷○心○處○記○否○長○生○雨○露○乘○春○風○靈○
液○蕩○滂○容○與○霓○裳○妙○舞○驚○魂○散○鐵○騎○漁○陽○鼙○鼓○石○蓮○
如○許○想○舊○日○魚○龍○無○數○悵○華○清○一○帶○薜○蘿○任○撫○今○弔○
古○

前調 詠美人花間影和鳳子

伯○勞○偷○喚○纔○理○晨○粧○小○立○東○風○徑○綠○陰○深○靚○苔○痕○濕○
羅○襪○一○鈎○清○冷○遲○迴○不○定○喜○蝶○粉○花○光○相○映○生○憎○他○
倒○暈○明○霞○漏○洩○驚○鴻○影○百○欄○繡○裙○斷○稱○似○天○風○吹○
墮○露○桃○仙○井○冶○遊○暗○省○銷○凝○處○怕○惹○離○魂○難○靜○流○輝○
耿耿○任○撲○軟○亂○紅○飛○暝○帶○滿○身○香○氣○歸○來○向○枕○邊○猶○
剩○

珍珠簾 賦得水晶簾下看梳頭

雕○房○幾○曲○桐○陰○裏○金○塘○側○第○一○傾○城○姝○麗○髮○鬢○照○人○

明學遠山螺髻，蟬影花光相撩亂。襯一片芭蕉濃翠。
清綺更珊鈎犀押，冷波橫地。疑是月底初逢，被水
輪掩映。織綃情思，宛轉翫瓊顏。倩曉風吹起，人在銀
河清淺處，倚白玉欄杆，如水心醉。想道書慵把，幽懷
旖旎。

桂枝香

蟬

風清露細，早稻熟江鄉。嫩涼無比。八跪雙螯。郭索迷
離烟水。斷蘆折葦洲邊，憇美輪困行沙如駛。寒潮來
去，孤舟沒滅。漁燈初起。正好是荒村雨霽，有何人

答。簪蕭然汀嘴。小市平橋。過處霜天凝紫。橙黃橘綠
登高會，醉東籬。酒人風致，依稀記得。魚莊設籩。夜分
無寐。

水龍吟

白蓮

平湖烟水微茫，個人彷彿橫塘住。碧雲乍起，羽衣初
試，靚粧楚楚。露下三更，月明千里，悄無尋處。想蘆花
蘋葉，溟濛一色，迷玉井峰頭路。莫是苧蘿未嫁，曳
明璫若耶歸去。遊仙夢杳，瑤天笙鶴，凌波微步。宿鷺
飛來，依稀難認。風吹一縷。泛木蘭舟小，輕綃掩映，問

誰家女

宴清都

詠大食薨茶杯爲牧仲作

猶帶鯨波冷。遙天色。斷雲微露清影。玻璃盾脆。盈盈不類。汝哥官定。曾隨貝葉金書。煩赤厨拳鬚。官領而今作承露。銅盤仙人淚滴還靚。思量紫袖昭容。白頭阿監。深夜調茗。松濤罷響。流泉淡注。碧梧銀井。那堪回首。天上空暗憶。龍團鳳餅。伴高齋。瀟灑琴樽小。牕日永。

瑞鶴仙

詠灌嬰廟瓦硯

嶙峋黃玉璞。化陶泓光怪。藝林棲托。梅花費雕琢。問何時出土。琉璃如削。漢家封爵。是穎陰諸侯。刻桷歎灌池。遺廟荒涼。怊悵風雲刀槊。猶昨。滎陽屯後。白馬盟書。丹青酬酢。幾年索寞。人礪劍。牛磨角。論功高。值得詞華消受。十二龍賓盤礴。試代他看鼻磨來。筆花亂落。

花犯

詠花鴨爲阮亭作

傍雕欄。啄花唼葉。呼名任遊戲。依稀蘆舫。蘸拍拍烟波。成隊飛起。紅裙偷裹。採蓮女。船頭競弄水。好趁取

碧天雲淡。枕椰斑暗記。何人竹弓。莫輕彈鴛鴦交頸處。驚他濃睡。爭撲鹿澄潭下。嫩黃難比。渾迷却斷霞一點。看隻影橫斜。穿暮紫。倩去伴甲煎銀葉。躡躑香霧裏。

臺城路

詠隗囂宮薨杯

丸泥不閉函關路。神功煨來杯滎。色映琉璃。聲隨哀玉。淺碧嫩黃交射。流霞欲化。想西伯雍容。葡萄傾瀉。紫殿基平。何人收拾。夜泉下。千年又成廢寺。早霜鐘粥鼓。相伴清暇。土噉花斑。魚吹浪白。過眼興亡難闌燭。炮。

前調

遼后洗粧樓

東樓春色。天邊落。來時駕鵝風作。鳳輦曾畱。瑤臺乍起。粧點遠山眉角。宮蟬綽約。想欲動晨光。未垂簾箔。炫轉熒煌。明星一一帶池閣。興亡幾番。過眼聽遊人指說。斜照城脚。窄堵波高。雨淋鈴急。壞磴莓牆。蕭索。驚飈振蕩。是曲裡琵琶。白翎哀雀。只有長河潺湲。聲似昨。

前調 送分虎歸長水

秋陰慘淡天如墨。城頭角聲初起。野水長橋。炊烟小市。魚尾斷霞成綺。羈愁未已。怕土銜荒涼。夜長難睡。人影憧憧。一行清露曉風裏。分湖紫蟹正美。桃鄉新稻熟。流匙香細。白雁縱橫。黃花爛熳。還憶離亭曲子。行勝漫試。便脚底匡廬。不如歸計。霜冷吳根。扁舟棲暗葦。

拜星月慢

秋日雨後飲宋子昭新泉亭座上聞歌

撩亂苔錢。差池菱葉。白板橋邊秋水。點點浮漚。溜銀

塘珠碎。斷雲濕。拖逗餘霞明滅。暈作遠山螺髻。薄暮樽開。正玉簫聲起。裊晴絲。百轉春鶯脆。西風冷。月落朱門閉。一朵兩朵幽蘭。共荷香迢遞。汲新泉。乍試龍團味。紅燈小。不照愁人醉。待歸時。露滴閒階。有吟蟲伴睡。

霓裳中序第一

詠龍鬚為涓清賦

崢嶸勢猶怒。誰向層波剪冰箸。憶當日青天乍擘。伴火鬣朱鱗。度雲穿霧。清秋島嶼。抱驪珠。濃睡腥雨。莫也是涓淵戰罷。飄落翠蓬路。羈旅生涯如許。還藏

得鮫宮幾縷。輕綃細合潛貯。怕一夜驚雷破壁飛舞。
何人拾鳳羽。便鬪草休教換去。他年事天風鶴背。拔
下又重數。

綺羅香

宋牧仲座上聞歌

抹麗凝香。池塘過雨。屈注明河天際。雪酒銀桃。六月
燕山風味。倩數聲玉笛吹來。似一串驪珠擲碎。看盈
盈。初日芙蓉。雙瞳剪水兩眉翠。青衫畱落舊客。遮
莫嬌絲脆管。難令沉醉。幾點螢光。猶照蒼苔無寐。好
調賀老教成。倦心情屏風立地。漫流連入破伊州。

記楓香曲子。

秋霽

本意

雨過長天。早露重閒階。新月如沐。射角明河。垂簷珠
斗。苔影上人眉綠。流螢誰撲。霜紈小扇。銀塘曲。渾無
寐。風度藥欄。憂憂響修竹。漏殘酒醒。篆冷烟銷。隱
壁秋蟲。似伴幽獨。拂莓牆。花香作陣。秋蘭綽約疑空
谷。故國難窮千里目。悠然歸興。只在黃葉村中。白蘋
鄉裏。數間茅屋。

南浦

春水用玉田詞韻

新漲碧於天。近清明。做弄橫塘晴曉。輕燕掠波圓。靴
文細。一片麴塵誰掃。魚梭織影跳珠。只似荷錢小。催
雨東風寒。又暖。綠遍長堤芳草。漫漫別浦。潑湘驚
畫船。簫鼓鷗眠未了。鴈齒接紅橋。漁莊遠。何處鳴榔
聲到。斷烟渺渺。斜川如帶。平蕪悄。撲面楊花亂落。更
添入浮萍多少。

花發沁園春

咏司馬相如私印

倒薤披離朱絲零亂。土花苔葉交亞。龍文覆斗。天色
垂陰。溫潤玉情堪把。千秋作者。字裏認當年。司馬歎

經過華屋山丘。閱人良自多也。辛苦臨邛書劍。倩
何人。昆刀刻鏤風雅。凌雲賦就。卓女粧成。十樣蠻牋
親打。纖纖欲下。早逗漏明紅一罅。好留伴。硯匣琉璃。
冷光朝暮相射。

望遠行

咏延陵季子劍

寒星黯淡青銅色。出匣驚飛風雨。龍鱗千尺。虎氣千
年。彷彿精靈堪語。記得當時曾帶故人荒隴。此道于
今如土。挹神光重見冠裳楚楚。賓旅鳴佩中原歷
聘。只解識寸心相許。回首蘇臺魚腸忽起。散亂長鉞

名家詩錄
無數。試弔要離墳草。鴟夷潮水。一樣英雄難訴。對州
來君子。恩讐忘否。

解連環

蘆花和湘瑟詞韻

驚風○淒切○滿江干○一片凍雲吹折○飄萬點不辨東西○
枉賺得行人鬢絲添雪○明月光中○隱沙岸鴻聲清絕○
更聞隨釣艇○暗入柴門○伴人騷屑○助他怒潮嗚咽○
捲興亡舊恨○浪花明滅○笑垂楊只解飛綿○難點上征
衫○迷離成鐵○露冷蒹葭○還記得綠芽如髮○問故家秋
娘○何在○風流總歇○

一寸金

詠長平遺鏃

數點寒葦○入眼離離○土花碧○是咸陽王者○神兵親鑄○
沉沙千載○耕夫重得○黯黯黃金色○試磨洗○猶堪穿石○
笑平原計誤馮亭○圍合邯鄲○幾輕擲○暗想當年○武
安初將○疾聲撼趙壁○早沙蟲猿鶴○一軍都化○粘雲衰
草○戰場如昔○鬼哭西風裏○最慘澹天陰○月黑乍摩挲
線齒銀闌○怕帶青磷跡○

風流子

京口懷古

三山圍鐵甕○孫郎後○今古幾英雄○憶北府參軍○寄奴

王者金戈鐵馬。橫據江東。凌歊上歌風。追漢帝。置酒
宴羣公。一代偉人。龍行虎步。十年征戰。洛下關中。
祇今憑弔處。佛狸祠下路。烟樹冥濛。爲念尋常巷陌。
社鼓連空。算礪礪戰地。幾多白骨。金焦名勝。兩點青
峯。惟見驚濤滿眼。東去匆匆。

前調

金陵懷古

大江流日夜。寒潮急。寂寞打空城。想玉樹曲終。梁塵
爭落。金釵垂後。斜月低橫。如今但荒臺存瓦礫。廢殿
走鼙鼙。桃葉渡頭。半篙春水。莫愁湖畔。一片秋聲。

南唐成往事。攝山看斷碣。夢裏三生。千載澄心堂紙。
撥鐙書名。歎衣冠王謝。高低禾黍。文章庾鮑。冷落沙
汀。依舊龍蟠虎踞。渺渺峯青。

前調

姑蘇懷古

胥門懸落日。東風軟。人立小斜廊。是越女靚粧。舞停
歌罷。捧心無賴。展轉廻腸。難重問。錢江烟水白。攜李
陣。雲黃。歌吹海中。荒哉旦暮。溫柔鄉裏。老矣君王。
勾章烽火急。見姑蘇臺畔。長劔如霜。誰念鷓鴣。尺相國。
目斷危檣。早輕裝一舸。浮家遠去。功成身退。磊落行

藏回首。故宮花草。難遣茫茫。

前調 錢塘懷古

英雄開草昧。山衣錦。萬弩射潮低。彼吳越一王。高車駟馬。威靈五季。玉冊金泥。驚回首。西陵烟月淡。葛嶺斷霞飛。三竺六橋。老髯曾醉。斜風細雨。和靖頻題。六飛南巡後。西湖比西子。綠坼紅欹。誰憶金明池水。禾黍離離。想德壽重華。兩宮遊幸。綺羅絃管。繚繞蘇堤。千載江山如故。還使人悲。

疎影

咏落照遙和錢舍人

斜陽欲下。學西流弱水。如電傾瀉。未免多情。弄影蒼然。迴光更戀亭榭。明霞幾縷。霜天赤。掩映作江山圖畫。最撩人。烏柏丹楓。常是借他聲價。依約黃昏近矣。齊飛並孤鷺。秋色瀟灑。莫向樓頭。賺得愁人。一地迷離。生怕平蕪衰草。淒涼處。有多少。暮雲歸馬。倩開元。小李將軍。海岸斷紅描寫。

八寶粧

咏未央宮銅奩

渭上西風。漁床晚照。鐵網千絲。初舉翡翠。迷離光映水。一片苔痕淒楚。咸陽遺製。花天月地。樓臺蜂黃蝶

粉重重護細字蟲魚繡斷依稀金縷。未央拋擲何
年。昆吾村外濕燐入夜偷聚。慣點綴鮫官眉嫵。問飛
燕舊時曾否。思伴侶銅駝陌上黃昏聽盡瀟瀟雨筭
流落人間玉箱也出茂陵去。

蘇武慢

元宵雪後作

皓魄初圓。罡風猶勁。剪破彤雲萬里桂影扶疎。嫦娥
清冷。白玉樓頭似水。銀花作陣。火樹迷空。照見離離
珠蕊。想蜀天積雪峩嶷。崖下佛燈如此。何須問雙
鳳雲間。六鰲海上。簫鼓聲中燕喜。竹葉橫窓。松陰滿
徑。有箇幽人在裏。白眼誰同。青樽易歇。赤脚層冰遊
戲。應難尋千樹梅花。長笛一聲而已。

沁園春

贈柳敬亭

席帽單衫。擊缶鳴鳴。豈不快哉。况玉樹聲銷。低迷禾
黍。梁園客散。清淺蓬萊。蕩子辭家。羈人遠戍。耐可逢
場作戲來。掀髯笑謂浮雲富貴。麴蘖都埋。縱橫四
座嘲詼。嘆歷落欽寄。是辯才。想黃鶴樓邊。旌旗半捲。
青油幕下。罇俎常陪。江水空流。師兒安在。六代興亡
無限哀君休矣。且扶同今古。共此啣杯。

八歸 題其年填詞圖

散○聖○安○禪○。烏○衣○白○袷○。淡○岩○風○流○如○許○。酒○旗○戲○鼓○人○間○。
世○博○得○蕭○然○。驢○背○鬚○眉○塵○土○。凌○轢○詞○壇○三○十○載○。寫○六○
代○興○亡○無○數○。翻○墨○瀋○歷○落○。嶽○寄○看○海○奔○鯨○怒○。誰○拂○
生○綃○作○照○。維○摩○清○冷○。坐○對○散○花○天○女○。三○疊○霓○裳○。一○聲○
河○滿○。曲○項○琵琶○金○縷○。問○英○雄○紅○粉○。可○到○相○逢○斷○腸○處○。
想○歌○闌○深○卮○微○勸○。銀○甲○春○寒○。水○沉○香○慢○炷○。

賀新涼 再贈柳敬亭

咄○汝○青○衫○。曳○閑○浮○生○繁○華○蕭○索○。白○衣○蒼○狗○。六○代○風○流○。

歸○抵○掌○。舌○下○濤○飛○山○走○。似○易○水○歌○聲○聽○久○。試○問○于○今○
真○姓○字○。但○回○頭○笑○指○蕪○城○柳○。休○暫○住○。談○天○口○。當○年○
處○仲○東○來○後○。斷○江○流○樓○船○鐵○鎖○。落○星○如○斗○。七○十○九○年○
塵○土○夢○。纔○向○青○門○沽○酒○。更○誰○是○嘉○榮○舊○友○。天○寶○琵琶○
宮○監○在○。訴○江○潭○憔悴○人○知○否○。今○昔○恨○。一○搔○首○。

前調 送阮亭東歸兼悼西樵

倦○客○歸○轅○里○。恰○三○秋○霜○林○葉○散○。鯉○魚○風○起○。四○角○紅○瓊○
驀○子○背○。躑○躅○河○橋○之○際○。趁○不○上○東○華○宵○騎○。三○叠○淒○涼○
渭○城○曲○。感○生○平○清○淚○如○鉛○水○。知○我○者○。惟○兄○耳○。重○逢○

蕭寺人憔悴。憶君家中郎。阿大清言何綺。杳矣人琴。
千載恨。宿草吞聲未已。離緒到中年。如此生不成名。
身已老。歎虎頭食肉非吾事。空擊筑。長安市。

摸魚兒

西直門外作

北却邊高低丘隴。縱橫無數羊虎。玉魚金椀何時葬。
又見斷碑如礎。魂自語。須認取文章功業難憑據。白。
楊老樹。戰一片秋聲。向人頭上。颯颯作涼雨。西州。
路。敗笠青衫羈旅。緇塵撲面來去。黃蘆苦竹千秋恨。
都付紙錢飛處。天已暮。想入夜雲旗風馬精靈度荒。

涼三戶。共塚上狐狸。山中木客。同結歲寒侶。

前調

題錫鬯蕃錦集

裊茶烟吟成樂府。旗亭畫壁無數。龍梭一擲光凌亂。
碎剪碧霞千縷。紅豆譜。彷彿似方圭圓璧。冰花鑄。高。
岑李杜。入主客圖中。新聲古調。總屬麗情句。前身。
是白石仙人非誤。精靈虎僕輸汝。長安簫鼓千門熱。
閉戶著書良苦。寒欲去。又早是春鐙金薤琳瑯處。天。
衣重補。美妙手神針。絲絲無縫。莫被夜來妬。

前調

寄贈史雲臣

繞荆溪數間茅屋。竹山舊日曾住。吟花課鳥無遺恨。
領袖詞場南渡。逐電去。誰更續哀絲脆管紅牙譜。湖
山如故。又幻出才人。鏤冰繪影。杼寫斷腸句。鷓絃
上。彈入蝶菴金縷。平分髯客旗鼓。搓酥滴粉方成調。
偷換羽聲淒楚。推獨步。須信道。秦黃蘇陸無今古。江
東日暮。想席帽風欹。春衫酒濕。行過翠籐路。

前調

方渭仁葺健松齋幸圍松之存也詞以贈之

響晴濤綠陰半畝。神龍拏攫烟霧。關門一夜喧銅馬。
波上鯨鯢爭怒。鳴戰鼓。有多少。蘭亭梓澤皆塵土。午

橋如故。縱劫火茫茫。斧斤不到。交讓大夫樹。江東

秀王謝衣冠最古。五陵佳氣呵護。霜皮黛色年年在。

點綴菊畦桑苧。

俱園名

誰種汝。須記取。黃山白嶽移根

處。婆娑自舞。看五鬣蒼然。向人有意。謾謾滴秋雨。

前調

謝念東先生惠藥

問先生丹砂幾粒。是誰搓得如許。金膏九轉匆匆熟。
吹落半天風雨。顏可駐。君不見。淮王鷄犬雲中去。且
留小住。待紺髮徐生。虬髯更紫。重覓玉京路。人間
世。只有鬚眉良苦。地黃蘿菔相誤。黑頭自笑渾無用。

一任秋霜千縷飄弱絮。有多少北邙年少無尋處。屍
輪堪馭。縱親到神仙。便能屈曲。俛首看人否。

笛家

九日長安遣興和其年

黃菊浮觴紫萸盈把。露涼風細。匆匆早是秋將暮。天
街如蟻。燕尾鬢鬆。卓金車響。紛紛兒女。剪綵旗旛。花
糕擔子。知送誰家去。葉爭飛。雁初緊。只少滿城風雨。
情緒不堪搖落。龍山戲馬。何處追遊。破帽單衫。一
襟塵土。試問故國荒涼宅。樹草長。欲齊階否。深巷人
歸。華堂客醉。作陣鳴腰鼓。聊送日夕陽邊。惟見碧雲

千縷

前調

己未九日蛟門招集諸子遊黑龍潭

野水拖藍。遙峯疊翠。嫩涼時候閒人那。不登高去。城
陰杜曲。幾樹枯楊。幾層頽壁。當年遊處。橋井苔腥。曉
堂霧濕。莫作重陽雨。話新寒。晚鴉急。客子羈愁添否。
良晤峭帆乍歇。玉盤蝦菜。斟酌南京蟻絲鱗紅。十
觴連舉。只少繞砌黃花爛熳。空負數聲金縷。拂拂鞭
絲垂垂帽影。行過風潭路。月上也。恰當頭。共聽荒哇
人語。

畫屏秋色

送舅氏之唐山廣文任

行李蕭條去。騁遠目禾黍芄芄。驛路督亢。陂荒溲池。
浪急亂雲天暮。葦杜舊家聲。早打疊寒羶。辛苦聽一
片鳴蟬訴。况夢繞西州。哀湍壞道。知在斜陽一帶。蒼
然平楚。無語銷魂。羈旅更莫去。傷今懷古。十年踪
跡。一番離別。悲歡無據。馬首又他鄉。烏衣巷口人何
處。首蓓闌干。堪煮。上日及新秋。爲語天邊好月。分照
兩人愁緒。

蘭陵王

送二舅之沅州

嶺雲白。湖草粘天弄碧。湘烟淡沅水分流。弱柳絲絲
習行色。武陵南下驛。漸入枕椰瘴黑。鶉聲裡鐵騎連
營。一髮青山望京國。依依感疇昔。記巷口烏衣門
邊霜戟。電光石火音塵寂。愁一肩行李。半林斜照空
祠榕暗。嘯木客。衡陽雁程隔。難覓謝公屐。問橘井
遺踪。郢雪荒宅。參軍蠻府工書檄。念東第淒冷。北堂
晨夕。寒螿啼徹。聽砌語助太息。

大酺

石林席上聞絃索

正酒船行人聲寂。好月如珪偷照。鷓鷄初入破。響風

爭刀尺麻姑手爪。銀甲徐調。水絲輕撥。啄木丁丁。小
鳥空山無人處。任花開花落。洞天深窅。忽變作玉關
千群鐵馬。平沙衰草。吳儂歌縹緲。嘆舊曲誰似臨
川好。遮莫向岐王筵上。崔九堂前。琵琶彈出傷心調。
未抵繁絃巧。引蝶翅蜂鬚相惱。但羈客青衫老。奈何
頻喚頓減中年懷抱。鬢邊明日白了。

玉女搖仙珮

與米紫來論詞卽書其集後

才人剩技。削玉團香。有得離奇如此。繡嶺官前。苧蘿
溪上。一一傾城姝麗。更把繁絃倚。似飛仙劍客。乘風

遊戲。怨離別青衫紅袖。消向琵琶羯鼓聲裏。沙石書
然驚苦竹黃蘆。暗啼山鬼。省識紅鹽妙理。換羽移

宮。墮盡關河人泪。細數名家。晚唐南宋。漫說蘇豪柳
膩。海岳當年裔。平分取書画。船中風味。又證入金荃
蘭畹。小山白石。天花亂撒。珊瑚碎。酒邊珍重。烏絲字

前調 咏魚苔牋

剡溪玉葉。渲染神工。却倩銀塘丹鯽。波面揚鬚。鏡中
吹雨。飄入碎萍無力。一抹空明碧。問何人拾取水天
顏色。欲偷寄飛瓊片紙。怕似方諸滴泪。難識驚萬縷

千絲莫是珠官鮫妹輕織。不辨河山一氣。潮落潮
平。納納乾坤生白。杳靄嵐光。迷離樹影。總帶蠻雲腥
澁。造物莽搜索。有多少寒火溫泉奇跡。渾未抵浮漚
隱現。綠瀛滄島。苔痕掩映。荆關筆。憑誰爲訊。騫霄國

吳茵次綺曰。珂雪詞字字香艷。至議論風生處。有
烘雲托月之勢。

汪修如俊曰。家仲繩侄。極艷稱珂雪詞。如嬌鶯欲
醉。花曉初舒。一日令歌者按紅牙度之。會心處
幾令心癢欲搔。惜不能向麻姑借爪耳。請付諸
梓。以公同好。

張山來潮曰。先君視學山左。每謂詞章之妙。無過
宋萊陽王新城昆季。而尤重曹安丘。每抄其珂
雪詞。把玩不釋。以其才情淵博。寄調清新。能于

咀商嚼羽處。凌轢蘇黃。椰榆秦桺。真山左三大
家也。

聶晉人先曰。實庵先生長調之妙。妙絕古今。若使
花庵選手見之。亦不能局於令慢間矣。是刻初
得之。蘭次山來二處。再得于槎客歸舟所携。恐
俱非全帙。擬借羽向黃山白嶽間求之。必能一
時紙貴。百家增色。恨余之抱疴不能也。

